


大般涅槃經

第二十一

百九十三  
壹十

48013




元祿九年丙子二月日重脩

皇圖瓊閣 帝階綴昌

佛日增輝 梵宮輪奐轉

山城州天安寺法金剛院置



大般涅槃經卷第二十

壹

北凉天竺三藏曇無讖奉

詔譯

大般涅槃經梵行品第八之六



爾時世尊在雙樹間見阿闍世王悶絕僻地即告大衆我今當為是王住世至無量劫不入涅槃迦葉菩薩白佛言世尊如來當為無量劫不入涅槃何故獨為阿闍世王佛言善男子是大衆中無有一人謂我必定入於涅槃阿闍世王定謂我當畢竟永滅是故悶絕自投於地善男子如我所言為阿闍世不入涅槃如是密義汝未能解何以故我言為者一切凡夫阿闍世者普及一切造惡逆者又復為者即是一切有



爲衆生我終不爲無爲衆生而住於世何以故  
夫無爲者非衆生也阿闍世者即是具足煩惱  
等者又復爲者即是不見佛性衆生若見佛性  
我終不爲久住於世何以故見佛性者非衆生  
也阿闍世者即是一切未發阿耨多羅三藐三  
菩提心者又復爲者即是阿難迦葉二衆阿闍  
世者即是阿闍世王後宮妃后及王舍城一切  
婦女又復爲者名爲佛性言阿闍者名爲不生  
世者名怨以不生佛性故則煩惱怨生煩惱怨  
生故不見佛性以不生煩惱故則見佛性以見  
佛性故則得安住大般涅槃是名不生是故名  
爲爲阿闍世善男子阿闍者名不生不生者名

涅槃世名世法爲者名不汙以世八法所不汙  
故無量無邊阿僧祇劫不入涅槃是故我言爲  
阿闍世無量億劫不入涅槃善男子如來密語  
不可思議佛法衆僧亦不可思議菩薩摩訶薩  
亦不可思議大涅槃經亦不可思議爾時世尊  
大悲導師爲阿闍世王入月變三昧入三昧已  
放大光明其光清涼往照土身身創即愈鬱蒸  
除滅王覺創愈身體清涼語者波婆言曾聞人說  
劫將欲盡三月並現當是之時一切衆生患苦  
悉除時旣未至此光何來照觸吾身創苦除愈  
身得安樂者波婆言此非劫盡三月並照亦非  
火日星宿藥草寶珠天光王又問言此光若非

三月並照寶珠明者爲是。誰光大王當知是天  
中天所放光明是光無根非有邊際非熱非冷  
非常非滅非色非無色非相非無相非青非黃  
非赤非白欲度衆生故使可見有相可說有根  
有邊有熱有冷青黃赤白大王是光雖爾實不  
可說不可覩見乃至無有青黃赤白王言者婆  
彼天中天以何因緣放斯光明大王今是瑞相  
似相爲及以王先言世無良醫療治身心故放  
斯光先治王身然後及心王言者婆如來世尊  
亦見念耶者婆答言譬如一人而有七子是七  
子中一子遇病父母之心非不平等然於病子  
心則偏多大王如來亦爾於諸衆生非不平等  
然於罪者心則偏重於放逸者佛則慈念不放  
逸者心則放捨何等名爲不放逸者謂六住苦

然於罪者心則偏重於放逸者佛則慈念不放  
逸者心則放捨何等名爲不放逸者謂六住菩  
薩大王諸佛世尊於諸衆生不觀種性老少中  
年貧富時節日月星宿工巧下賤僮僕婢使唯  
觀衆生有善心者若有善心則便慈念大王當  
知如是瑞相即是如來入月愛三昧所放光明  
王即問言何等名爲月愛三昧者婆伽言辭如  
月光能令一切優鉢羅華開敷鮮明月愛三昧  
亦復如是能令衆生善心開敷是故名爲月愛  
三昧大王辭如月光能令一切行路之人心生  
歡喜月愛三昧亦復如是能令脩習涅槃道者  
心生歡喜是故復名月愛三昧大王辭如月

從初一日至十五日形色光明漸漸增長月愛  
三昧亦復如是今初發心諸善根本漸漸增長  
乃至具足大般涅槃是故復名月愛三昧大王  
譬如月光從十六日至三十日形色光明漸漸  
損減月愛三昧亦復如是光所照處所有煩惱  
能令漸滅是故復名月愛三昧大王譬如盛熱  
之時一切衆生常思月光月光既照鬱熱即除  
月愛三昧亦復如是能令衆生除貪惱熱大王  
譬如滿月衆星中王爲甘露味一切衆生之所  
愛樂月愛三昧亦復如是諸善中王爲甘露味  
一切衆生之所愛樂是故復名月愛三昧王言  
我聞如來不與惡人同止坐起語言談論猶如



大海不宿死屍如鴛鴦鳥不住園廁釋提揅因  
不與鬼住鳩翅羅鳥不棲枯樹如來亦爾我當  
云何而得往見設其見者我身將不陷入地耶  
我觀如來寧近醉象師子虎狼猛火絕炎終不  
近於重惡之人是故我今思忖是已當有何心  
往見如來者耆婆荅言大王譬如渴人速赴清泉  
飢夫求食怖者求救病求良醫熱求陰涼寒者  
求火王今求佛亦應如是大王如來尚爲一闍  
提等演說法要何況大王非一闍提而當不蒙  
慈悲救濟王言耆婆我昔曾聞一闍提者不信  
不聞不能觀察不得義理何故如來而爲說法  
耆婆荅言大王譬如有人身遇重病是夜夢

昇一柱殿服酥油脂及以塗身卧灰食灰攀上  
枯樹或與獼猴遊行坐卧沈水沒泥墮墜樓殿  
高山林木象馬牛羊身著青黃赤黑色衣喜笑  
歌舞或見烏鷲狐貍之屬齒髮墮落裸形枕狗  
卧糞穢中復與亡者行住坐起攜手食馘毒蛇  
滿路而從中過或復夢與被髮女人共相抱持  
多羅樹葉以爲衣服乘壞驢車正南而遊是名  
夢已心生愁惱以愁惱故身病逾增以病增故  
居家親屬遣使命醫所可遣使形體缺短根不  
具足頭蒙塵土著弊壞衣載故壞車語彼醫言  
速疾上車爾時良醫即自思惟今見是使相貌  
不吉當知病者難可療治復作是念使雖不吉

復當占日為可治不若四日六日八日十二日  
十四日如是日者病亦難治復作是念日雖不  
吉復當占星為可治不若是火星奎星昴星閻  
羅王星涇星滿星如是星時病亦難治復作是  
念星雖不吉復當觀時若是秋時冬時及日入  
時夜半時月入時當知是病亦難可治復作是  
念如是眾相雖復不吉或定不定當觀病人若  
有福德皆可療治若無福德雖吉何益思惟是  
已尋與使俱在路復念若彼病者有長壽相則  
可療治短壽相者則不可治即於前路見二小  
兒相牽鬪諍捉頭拔髮互石刀杖共相撩打見  
人持火自然殄滅或見有人斫伐樹木或復見

人手曳皮革隨躡而行或見道路有遺落物  
見有人執持空器或見沙門獨行無侶復見虎  
狼烏鷲野狐見是事已復作是念所遣使人乃  
至道路所見諸相悉皆不祥當知病者定難療  
治復作是念我若不往則非良師如其往者不  
可療治復更念言如是衆相雖復不祥且當捨  
置往至病所思惟是已復於前路聞如是聲所  
謂亡失死喪崩破壞折剝脫墮墜焚燒不來不  
可療治不能拔濟復聞南方有飛鳥聲所謂烏  
鷲舍利鳥聲若狗若鼠野狐兔豬聞是聲已復  
作是念當知病者難可療治爾時即入病人舍  
宅見彼病人數寒數熱骨節頭痛目赤流淚

聲聞外烟喉結痛舌上裂破其色正黑頭不自  
勝體枯無汗大小便利擁隔不通身卒肥大紅  
赤異常語聲不均或麤或細舉體班駁異色青  
黃其腹脹滿言語不了醫見是已問瞻病言病  
者昨來意志云何荅言大師其人本來敬信三  
寶及以諸天今者變異敬信情息本喜慧施令  
者慳慳本性少食今則過多本性弊惡今則和  
善本性慈孝恭敬父母今於父母無恭敬心醫  
聞是已即前齎之優鉢羅香沈水雜香必陵迦  
香多伽羅香多摩羅跋香鬱金香旃檀香炙肉  
臭蒲桃酒臭燒筋骨臭魚臭糞臭知香臭已即  
前觸身覺身細顛猶如繒綿劫貝紫華或鞞如

石或冷如冰或熱如火或澀如沙爾時良醫見如是等種種相已定知病者必死不疑然不定言是人當死語瞻病者吾今據務明當更來隨其所須恣意勿遮即便還家明日使到復語使言我事未訖兼未合藥智者當知如是病者必死不疑大王世尊亦爾於一闡提輩善知根性而爲說法何以故若不爲說一切凡夫當言如來無大慈悲有慈悲者名一切智若無慈悲云何說言一切智人是故如來爲一闡提而演說法大王如來世尊見諸病者常施法藥病者不服非如來咎大王一闡提輩分別有二一者得現在善根二者得後世善根如來善知一闡提

服非如來咎大王一闡提輩分別有二一者得  
現在善根二者得後世善根如來善知一闡提  
輩能於現在得善根者則爲說法後世得者亦  
爲說法今雖無益作後世因是故如來爲一闡  
提演說法要一闡提者復有二種一者利根二  
者中根利根之人於現在世能得善根中根之  
人後世則得諸佛世尊不空說法大王譬如淨

人墮情土園則有善知識見而愍之尋前捉髮而

拔出之諸佛如來亦復如是見諸衆生情土三惡

道方便救濟今得出離是故如來爲一闡提而

演說法王語者婆娑若使如來審如是者明當選

擇良日吉星然後乃往者婆娑白王大王如來法

中無有選擇良日吉星大王如重病人猶不看

日時節吉凶唯求良藥王今病重求佛良醫不

應選擇良時好日。大王如旃檀火及伊蘭火二俱燒相無有異也。吉日凶日亦復如是。若到佛所俱得滅罪。唯願大王今日速往。爾時大王即命一臣名曰吉祥而告之。言大臣當知吾今欲往佛世尊所速辦供養所須之具。臣言大王善哉善哉。所須供具一切悉有。阿闍世王與其夫人嚴駕車乘一萬二千。殊壯大象其數五萬。一象上各載三人。齎持幡蓋華香伎樂種種供具無不備足。導從馬騎有十八萬。摩伽陀國所有人民尋從王者其數足滿五十八萬。爾時拘尸那城所有大衆滿十二由延。悉皆遙見阿闍世王與其眷屬尋路而來。爾時佛告諸大衆。言



一切衆生爲阿耨多羅三藐三菩提近因緣者  
莫先善友何以故阿闍世王若不隨順耆婆語  
者來月七日必定命終墮阿鼻地獄是故近因  
莫若善友阿闍世王復於前路聞舍婆提毗流  
離王乘船入海遇火而死瞿迦離比丘生身入  
地至阿鼻地獄須臾剎多作種種惡到於佛所衆  
罪得滅聞是語已語耆婆言吾今雖聞如是二  
言猶未審定汝來耆婆吾欲與汝同載一象設  
我當入阿鼻地獄冀汝捉持不令我墮何以故  
吾昔曾聞得道之人不入地獄爾時佛告諸大  
衆言阿闍世王猶有疑心我今當爲作決定心  
爾時會中有一菩薩名持一切白佛言世尊如

佛先說一切諸法皆無定相所謂色無定相乃至涅槃亦無定相如來今者云何而言爲阿闍世作決定心佛言善哉善哉善男子我今定爲阿闍世王作決定心何以故若王疑心可破壞者當知諸法無有定相是故我爲阿闍世王作決定心當知是心爲無決定善男子若彼王心是決定者王之逆罪云何可壞以無定相其罪可壞是故我爲阿闍世王作決定心爾時大王即到娑羅雙樹間至於佛所仰瞻如來三十二相八十種好猶如微妙真金之山爾時世尊出八種聲告言大王時阿闍世王左右顧視此大衆中誰是大王我旣罪戾又無福德如來不應

稱爲大王爾時如來即復喚言阿闍世大王時  
王聞已心大歡喜即作是言如來今日顧命語  
言眞知如來於諸衆生大悲憐愍等無差別白  
佛言世尊我今疑心永無遺餘定知如來眞是  
衆生無上大師爾時迦葉菩薩語持一切菩薩  
言如來已爲阿闍世王作決定心爾時阿闍世  
王即白佛言世尊假使我令得與梵王釋提桓  
因坐起飲食猶不歡悅得遇如來一言顧命深  
以欣慶爾時阿闍世王即以所持幡蓋華香伎  
樂供養前禮佛足右繞三匝禮敬畢已却坐一  
面爾時佛告阿闍世王言大王今當爲汝說正  
法要汝當一心諦聽諦聽凡夫常當繫心觀身

有二十事所謂我此身中空無無漏一諸善根  
本二我此生死未得調順三墮隊深坑無處不  
畏四以何方便得見佛性五云何脩定得見佛  
性六生死常苦無常我淨七八難之難難得遠  
離八恒為怨家之所追逐九無有一法能遮諸  
有十於三惡趣未得解脫十一具足種種諸惡邪  
見十二亦未造立度五逆津十三生死無際未得其  
邊十四不作諸業不得果報十五無有我作他人受  
果十六不作樂因終無樂果十七若有造業果終不  
失十八因無明生亦因而死十九去來現在常行放  
逸二十大王凡夫之人當於此身常作如是二十  
種觀作是觀已不樂生死不樂生死則得止觀

爾時次第觀心生相住相滅相次第觀心生住  
滅相定慧進戒亦復如是觀生住滅已知心相  
乃至戒相終不作惡無有死畏三惡道畏若不  
繫心觀察如是二十事者心則放逸無惡不造  
阿闍世言如我解佛所說義者我從昔來初未  
曾觀是二十事故造衆惡造衆惡故則有死畏  
三惡道畏世尊自我招殃造茲重惡父王無辜  
橫加逆害是二十事設觀不觀必定當墮阿鼻  
地獄佛告大王一切諸法性相無常無有決定  
王云何言必定當墮阿鼻地獄阿闍世王白佛  
言世尊若一切法無定相者我之殺罪亦應不  
定若殺定者一切諸法則非不定佛言大王善  
哉善哉諸佛世尊說一切法悉無定相王復能  
知殺亦不定是故當知殺無定相大王如汝所

哉善哉諸佛世尊說一切法悉無定相玉復能  
知殺亦不定是故當知殺無定相大王如汝所  
言父王無辜橫加逆害者何者是父但於假名  
衆生五陰妄生父想於十二入十八界中何者  
是父若色是父四陰應非若四是父色亦應非  
若色非色合爲父者無有是處何以故色與非  
色性無合故大王凡夫衆生於是色陰妄生父  
想如是色陰亦不可害何以故色有十種是十  
種中唯色一種可見可持可稱可量可牽可縛  
雖可見縛其性不住以不住故不可得見不可  
捉持不可稱量不可繫縛色相如是云何可殺  
若色是父可殺可害獲罪報者餘九應非若九

非者則應無罪。大王色有三種：過去、未來、現在。過去現在則不可害，何以故？過去過去，故現在念念滅，故遮未來，故名之爲殺。如是一色，或有可殺或不可殺，有殺不殺，色則不定。若色不定，殺亦不定，殺不定，故報亦不定。云何說言定入地獄？火王一切衆生所作罪業，凡有二種：一者輕，二者重。若心口作則名爲輕，身口心作則名爲重大。王心念口說，身不作者，所得報輕。大王昔日口不勅殺，但言削足。大王若勅侍臣立斬，王首坐時，乃斬，猶不得罪。況王不勅，云何得罪？王若得罪，諸佛世尊亦應得罪，何以故？汝父先王頻婆娑羅，常於諸佛種諸善根，是故今日得

居王位諸佛若不受其供養則不爲王若不爲  
王汝則不得爲國生害若汝殺父當有罪者我  
等諸佛亦應有罪若佛世尊無得罪者汝獨云  
何而得罪耶大王頻婆娑羅往有惡心於毗富  
羅山遊行獵鹿周徧曠野悉無所得唯見一仙  
五通具足見已即生瞋恚惡心我今遊獵所以  
不得正坐此人駈逐今去即勅左右而令殺之  
其人臨終生瞋惡心退失神通而作誓言我實  
無辜汝以心口橫加戮害我於來世亦當如是  
還以心口而害於汝時王聞已即生悔心供養  
死屍是王如是尚得輕受不墮地獄況王不爾  
而當地獄受果報耶先王自作還自受之云何



今王而得殺罪如王所言父王無辜者大王云  
何言無夫有罪者則有罪報無惡業者則無罪  
報汝父先王若無辜罪云何有報頻婆娑羅於  
現世中亦得善果及以惡果是故先王亦復不  
定以不定故殺亦不定殺不定故云何而言定  
地獄大王衆生狂惑凡有四種一者貪狂二

第三十

者藥狂三者呪狂四者本業緣狂大王我弟子  
中有是四狂雖多作惡我終不記是人犯戒是  
人所作不至三惡若還得心亦不言犯王本貪  
國逆害父王貪狂心作云何得罪大王如人酒  
醉逆害其母既醒悟已心生悔恨當知是業亦  
不得報王今貪醉非本心作若非本心云何得

罪大王譬如幻師四衢道頭幻作種種男女象  
馬瓔珞衣服愚癡之人謂爲真實有智之人知  
非真有殺亦如是凡夫謂實諸佛世尊知其非  
真大王譬如山間響聲愚癡之人謂之實聲有  
智之人知其非真殺亦如是凡夫謂實諸佛世  
尊知其非真大王如人有怨詐來親附愚癡之  
人謂爲實親智者了達乃知虛詐殺亦如是凡  
夫謂實諸佛世尊知其非真大王如人執鏡自  
見面像愚癡之人謂爲真面智者了達知其非  
真殺亦如是凡夫謂實諸佛世尊知其非真大  
王如熱時炎愚癡之人謂之是水智者了達知  
其非水殺亦如是凡夫謂實諸佛世尊知其非

真大王如乾闥婆城愚癡之人謂爲真實智者  
了達知其非真殺亦如是凡夫謂實諸佛世尊  
知其非真大王如人夢中受五欲樂愚癡之人  
謂之爲實智者了達知其非真殺亦如是凡夫  
謂實諸佛世尊知其非真大王殺法殺業殺者  
殺裸及以解脫我皆了之則無有罪王雖知殺  
云何有罪大王譬如有人主知典酒如其不飲  
則亦不醉雖復知火亦不燒然王亦是雖復  
知殺云何有罪大王有諸衆生於日出時作種  
種罪於月出時復行劫盜日月不出則不作罪  
雖因日月令其作罪然此日月實不得罪殺亦  
如是雖復因王王實無罪大王如王宮中常勅

屠羊心初無懼云何於父獨生懼心雖復人畜  
尊卑差別寶命畏死二俱無異何故於羊心輕  
無懼於父先王生重憂苦大王世間之人是愛  
僮僕不得自在爲愛所使而行殺害設有果報  
乃是愛罪王不自在當有何咎大王譬如涅槃  
非有非無而亦是有殺亦如是雖非有無而亦  
是有慙愧之人則是非有無慙愧者則爲非無  
受果報者名之爲有空見之人則爲非有有見  
之人則爲非無有有見者亦名爲有何以故有  
有見者得果報故無有見者則無果報常見之  
人則爲非有無常見者則爲非無常見者不  
得爲無何以故常常見者有惡業果故是故常

常見者不得爲無以是義故雖非有無而亦是  
有大王夫衆生者名出入息斷出入息故名爲  
殺諸佛隨俗亦說爲殺大王色是無常色之因  
緣亦是無常從無常因生色云何常乃至識無  
常識之因緣亦是無常從無常因生識云何常  
以無常故苦以苦故空以空故無我苦是無常  
苦空無我爲何所殺殺無常者得常涅槃殺苦  
得樂殺空得實殺於無我而得真我大王若殺  
無常苦空無我者則與我同我亦殺於無常苦  
空無我不入地獄汝云何入爾時阿闍世王如  
佛所說觀色乃至觀識作是觀已即白佛言世  
尊我今始知色是無常乃至識是無常我本若

能如是知者則不作罪世尊我昔曾聞諸佛世  
尊常爲衆生而作父母雖聞是語猶未審定今  
則定知世尊我亦曾聞須彌山王四寶所成所  
謂金銀琉璃頗黎若有衆鳥隨所集處則同其  
色雖聞是言亦不審定我今來至佛須彌山則  
與同色同色者則知諸法無常苦空無我世尊

我見世間從伊蘭子生伊蘭樹不見伊蘭生旃  
檀樹我今始見從伊蘭子生旃檀樹伊蘭子者  
我身是也旃檀樹者即是我心無根信也無根  
者我初不知恭敬如來不信法僧是名無根世  
尊我若不遇如來世尊當於無量阿僧祇劫在  
大地獄受無量苦我今見佛以是見佛所得功

德破壞衆生所有一切煩惱惡心佛言大王善哉善哉我今知汝必能破壞衆生惡心世尊若我審能破壞衆生諸惡心者使我常在阿鼻地獄無量劫中爲諸衆生受大苦惱不以爲苦爾時摩伽陀國無量人民悉發阿耨多羅三藐三菩提心以如是等無量人民發大心故阿闍世王所有重罪即得微薄王及夫人後宮嫔女悉皆同發阿耨多羅三藐三菩提心爾時阿闍世王語耆婆言耆婆我今未死已得天身捨於短命而得長命捨無常身而得常身令諸衆生發阿耨多羅三藐三菩提心即是天身長命常身即是一切諸佛弟子說是語已即以種種寶幢幡蓋香華瓔珞微妙伎樂而供養佛復以偈頌而讚歎言

幡蓋香華瓔珞微妙伎樂而供養佛復以偈  
頌而讚歎言

實語甚微妙 善巧於句義 甚深秘密藏  
為衆故顯示 所有廣博言 為衆故略說  
具足如是語 善能療衆生 若有諸衆生  
得聞是語者 若信及不信 定知是佛語  
諸佛常軟語 為衆故說麤麤語及軟語  
皆歸第一義 是故我今者 歸依於世尊  
如來語一味 猶如大海水 是名第一諦  
故無無義語 如來今所說 種種無量法  
男女大小聞 同獲第一義 無因亦無果  
無生及無滅 是名大涅槃 聞者破諸果



如來為一切常作慈父母當知諸衆生  
皆是如來子世尊大慈悲為衆故苦行  
如人著鬼魅狂亂多所作我今得見佛  
所得三業善願以此功德迴向無上道  
我今所供養佛法及衆僧願以此功德  
卽寶常在世我今所當得種種諸功德  
願以此破壞衆生四種魔我遇惡知識  
造作三世罪今於佛前悔願後更莫造  
願諸衆生等悉發菩提心繫心常思念  
十方一切佛復願諸衆生永破諸煩惱  
了了見佛性猶如妙德等

爾時世尊讚阿闍世王善哉善哉若有人能發

菩提心當知是人則爲莊嚴諸佛大衆大王汝  
昔已於毗婆尸佛初發阿耨多羅三藐三菩提  
心從是已來至我出世於其中間未曾墮於地  
獄受苦大王當知菩提之心乃有如是無量果  
報大王從今已往常當勤修菩提之心何以故  
從是因緣當得消滅無量惡故爾時阿闍世王  
及摩伽陀舉國人民從座而起繞佛三匝辭退  
還宮天行品者如雜華說

大般涅槃經嬰兒行品第九

善男子云何名爲嬰兒行善男子不能起住來  
去語言是名嬰兒如來亦爾不能起者如來終  
不起諸法相不能住者如來不著一切諸法不

能來者如來身行無有動搖不能去者如來已  
到大般涅槃不能語者如來雖爲一切衆生演  
說諸法實無所說何以故有所說者名有爲法  
如來世尊非是有爲是故無說又無語者猶如  
嬰兒言語未了雖復有語實亦無語如來亦亦  
語未了者即是諸佛秘密之言雖有所說衆生  
不解故名無語又嬰兒者名物不一未知正語  
雖名物不一未知正語非不因此而得識物如  
來亦爾一切衆生方類各異所言不同如來方  
便隨而說之亦令一切因而得解又嬰兒者能  
說大字如來亦爾說於大字所謂婆喏喏者有  
爲婆者無爲是名嬰兒喏者名爲無常婆者名

為有常如來說常衆生聞已為常法故斷於無  
常是名嬰兒行又嬰兒者不知苦樂晝夜父母  
菩薩摩訶薩亦復如是為衆生故不知苦樂無  
晝夜相於諸衆生其心平等故無父母親疎等  
相又嬰兒者不能造作大小諸事菩薩摩訶薩  
亦復如是菩薩不造生死作業是名不作大事  
大事者即五逆也菩薩摩訶薩終不造作五逆  
重罪小事者即二乘心菩薩終不退菩提心而  
作聲聞辟支佛乘又嬰兒行者如彼嬰兒啼哭  
之時父母即以楊樹黃菜而語之言莫啼莫啼  
我與汝金嬰兒見已生真金想便止不啼然此  
楊菜實非金也木牛木馬木男木女嬰兒見已

亦復生於男女等想即止不啼實非男女以作  
如是男女想故名曰嬰兒如來亦爾若有衆生  
欲造衆惡如來爲說三十三天常樂我淨端正  
自恣於妙宮殿受五欲樂六根所對無非是樂  
衆生聞有如是樂故心生貪樂止不爲惡勤作  
三十三天善業實是生死無常無樂無我無淨  
爲度衆生方便說言常樂我淨又嬰兒者若有  
衆生獸生死時如來則爲說於二乘然實無有  
二乘之實以二乘故知生死過見涅槃樂以是  
見故則能自知有斷不斷有真不真有脩不脩  
有得不得善男子如彼嬰兒於非金中而生金  
想如來亦爾於不淨中而說爲淨如來以得

一義故則無虛妄。如彼嬰兒見於非牛馬作牛馬想。若有衆生於非道中作真道想。如來亦說非道爲道。非道之中實無有道。以能生道微因緣。故說非道爲道。如彼嬰兒於木男女生男女想。如來亦爾。知非衆生說衆生相。而實無有衆生相也。若佛如來說無衆生。一切衆生則墮邪見。是故如來說有衆生。於衆生中作衆生想者。則不能破衆生相也。若於衆生破衆生相者。是則能得大般涅槃。以得如是。大涅槃故。止不啼哭。是名嬰兒行善男子。若有男女受持讀誦書寫。解說。是五行者。當知是人。必定當得如是。五行迦葉菩薩白佛言。世尊。如我解佛所說義者。我

亦定當得是五行佛言善男子不獨汝得如是  
五行今此會中九十三萬人亦同於汝得是五  
行

大般涅槃經卷第二十

壹

猪飼長治序附

